

# SÉZÉTO...

Fable imitée de LA FONTAINE,

par M. A. BIGOT,

membre-résidant.

---

Es acò yé disian Sézétó.  
Soun péro èro un racho, osco ! et di madu ;  
Mai poudié escouta ploouré. Avié pèr lou ségu  
Dé ben ou sourél, d'arjen rescoundu,  
Sa démuranço à la *Placeto*.  
Un ase, emb'un carétoun blu.

A quatorze an, Sézétó èro une fiyo facho,  
Avié 'no bouco rosó, uno pel dé satin,  
Lou nas ou ven, lou péou bloundin,  
Et d'ieul... à coupa la moustacho.

Ero poulido et s'en crésié,  
Acò la rendié rédo et fiéro,  
Vouyé pa travaya i tapis sus lou mestié,  
Ni i tresso de Guérin, ni i'lacet de Payié,  
Ni mèmo caoudéjà bugado embe sa mèro,  
Acò èro trò groussié ; vouyé 'n mestié pu fin ;  
Et patin et coufin. —  
Tantiya qu'à la fin  
Se metégùè modisto encò di sur Mazieiro,  
Ounté venguè premieiro ouvrieiro.  
Et coumo avié bon biaï et qu'avie quaouqui souu,  
Li galan yé végnien coumo la *Fon* quan ploou !  
Jujas se tout acò vou la faguè pu rédo ?

Per yé parla foyé cargua de gan de sédo ;  
Disiè à péno bonjour i jen de soun quartié,  
Et lou mitroun que lou premié  
Aousè yé déclara sa flamo,  
Sèguè boufa coumo un pan caou.  
Piei s'avancè 'n tounayé fino lamo,  
Long col, figuro de mouïssaou  
Saoutéjan coumo un prounchinélo,  
Lou paraouli 'émpésa  
Et li péou alisa  
Coumo de couito d'iroundélo. —  
Entré qu'én s'afinchan, digué : Madoumisélo...  
— Sézéto d'un cò d'ieul et d'un gran cacalas  
Ye coupé li cambo et li bras.  
Après, un courdougnié, gros yeuyas, testo d'oulo,  
Espanlu, pélu coumo un our,  
L'aresté 'n matin qu'èro soulo.  
Et ye fagué 'n tramblan : Vous aïme à la foyé.  
Sé din veste estouma quicon pér yeou boulèguo,  
'Ben, nou maridarén. — Lou paoure courdougnié,  
Boutas, agué léou fa sa plèguo.  
« Moun Diou, tenès-vous yun, empouïsonas à péguo —  
— Et segué éscoubiya coumo li dous premié.  
Piei vengué 'n révéndaïre, un gran pin de Langlado,  
Bon parti, soul d'enfan, boutiguo achalandado, —  
Tan léou qu'agué bada, — Sès pa ce qué mé faou ;  
Yiou, touca d'arécado et pésa de favioou ! . .  
Oh ! noun , ye fagué nosto déspichouso. —

Rambayé san maï de façoun  
Un capéyé d'Anduzo, un tayur de Toulouso,  
Un maréchal expert de Couvissoun,  
Tou de crémo de mounde et de charman garçoun.

Un gendarmo, un mestre d'escolo,  
Un orfevro, un marchan de miolo,  
Seguèroun pa maï avança.

Un avié *ci*, l'aoutre avié *ça*,  
Un, sis usso èroun trò ramado,  
Un aoutre èro pa proun fêndu ;  
Jan, sa gaougno èro un paou virado,  
Piérotto avié pa proun d'escu. —  
Yeou à moun tour mé présentère,  
Mai, seguère pa pus érous :

Me vougué pa, sufis quère trò vérgounous.  
Me segué ben du ; mai, me counsoulère.  
D'aoutri y'anèroun après yeou ;  
Néné, Janò, François, Matiou.  
Mai tirèroun de nosto ingrato  
Chacun un refus emb' un cò de pato.

Pamén, à la fin, un yé convengué.  
L'intradò, li présen, tout acò se fagué. —  
(Lou panto èro un garçoun rassi, de ver Marséyo)  
Un béou matin, — lou jour que fouyé 'nregistra,  
Sézéto cridè : Yà pa ren de fa !  
Lou volé pa ! Lou volé pa !  
— Màï perqué ? — Parce qué 'a de péou din sis ouréyo.  
Lou mariaje segué coupa.  
De que ye faire ? . . .

Din tout acò, lou gran marchaïre,  
Lou Tem, caminavo toujours...  
Sézéto perdegué sa frescou di béou jour.  
Piei si gaouto se passiguèroun,  
Et, loguo de veni, li galan s'en anèroun,  
Et Sézéto èro soto. — Ah ! s'avié soupégu !  
Se yéro retourna, tel qu'avié pa vougu,  
Ah ! coumo a bras ouver l'ourié récoupegu !  
Mai vst ! bonsoir, Madoumisélo ;  
Chaque toupin avié trouva sa cabussélo ;  
Piérotto avié espousa Sézoun,  
François Nèno, et Janò Françoun.

Et lou Tem toujours caminavo...  
Sézèto, en courduran, à sa vitro espinchavo.  
— *Ma sur, vois tu pa rien vénir?* —  
Ren végnié pa ; pajén d'espousaire... Et la paouro  
Tiravo soun aguyo en fasèn de soupir  
Qu'ourien fa vira un moulin d'aouro.

Lasso d'espéra, s'adressé i journal :  
Faguè mètre din la *Gazèto*  
Et din lou *Pichò-Méridional*,  
Qu'uno fiyo de la *Placèto*  
De bono dégueino et d'un bon oustaou,  
Per maï avudre si pè caou  
Vouyé se marida, — pa'mb'uno branco d'éouze,  
Maï'emb'un garcoun, sé de noun emb'un vécouse  
Catouli, jasiaou, iganaou,  
Partisan di laiquo ou partisan di frèro,  
De que que séguesse acò y'èro égaou,  
Mouinan qu'aguesse pa trò michan caratèro  
Et que séguesse pa malaou.

Maougra acò, li parti yé venguéroun pa'n foulo.  
Tantiya qu'à la fin, lasso de resta soulo,  
Nosto Sézèto tan pèçu,  
Que, san counta lis escaoudu,  
N'avié tan réfusa d'aimable et de coussu,  
Faoute de miel se maridé, péchaire !  
Emb'un viel, paoure, laï, jalous et roundinaïre.

Se sonjas à vou marida,  
Avis à v'aoutri, doumisèlo.  
A quaou a trò sara l'angièlo,  
L'angièlo a souven escapa. —  
Dou tem que sès jouïno et poulido  
Cousissés et maridas-vous.  
Mai quan sérés vièyo et passido,

Countès pa sus lis amoureux.  
Quaou sa lou bon tem que l'on manjo  
En d'aï, en d'ouï, de *gni*, de *gna* ;  
Gachas, lis ome soun pa d'anjo,  
Faou pa tan espépéssigna.  
Virés pa outour de l'ensalado  
Quan és presto. Pér cousi trò,  
Maï que d'uno s'és émbunlado  
Et maï que d'uno a resta ou crò.

